



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Parochorum, De Obligationibus, Functionibus Et Juribus Parochialibus

Engel, Ludwig

Salisbvirgi, 1662

V. De obligatione concionandi.

urn:nbn:de:hbz:466:1-41598

De Obligatione Parochi prædicandi verbum Divinum.

1. *Diebus festivis non debent negligere Parochi Conciones, & instructionem puerorum.*
2. *Quid in Concionibus proponendum.*
3. *Non tenentur hodie Parochiani Missam & Conciones dieb⁹ festivis in propriâ Parochiâ audire, videtur tamen decere, ut aliquoties in anno propriam Parochiam accedant.*

Verbi Divini prædicatio utique ad munus pastorale quàm maximè pertinet, ideò instanter præcipit Concil. Trid. s. 5. de ref. c. 2. s. 22. de sacrific. Miss. c. 8. & s. 24. de ref. c. 4. ne saltem dominicis, & festivis diebus Conciones negligant Parochi, & ut pueros rudimenta fidei, & obedientiâ ergà Deum & parentes diligenter doceant. Porro

Porrò ex eodem Concil. Trid. est
 advertendum Parochis, ut in Concio-
 nibus suis *postpositis inutilibus questio-*
nibus doceant plebem cum brevitate,
 & facilitate sermonis, quæ scire ne-
 cessaria sunt ad salutem, vitia quæ de-
 clinare, & virtutes, quas sectari oportet.
 Specialiter in d. s. 22. c. 8. ju-
 betur ut frequenter Parochi ex ijs, quæ
 in Missa leguntur, aliquid exponant, ut
 inter cetera sanctissimi hujus sacrificij
Mysterium aliquod declarent. Item
 in decreto de purgat. s. 25. mandatur
 Episcopis ut sanam de purgatorio do-
 ctrinam, à SS. Patribus, & sacris Con-
 ciliis traditam à Christi fidelibus credi-
 teneri, doceri, & ubique prædicari, dili-
 genter studeant. Apud eundem vero
 plebem difficiliore, ac subtiliore quæ-
 sitione, quæ ad edificationem non faci-
 unt, & ex quibus plerumque nulla
 pietatis accessio a popularibus Concionibus
 secludantur. Incerta item, vel quæ
 specie falsi laborant, evulgari, ac tractari
 rino

De Obligatione Concionandi. 67

ri non permittant. Ea verò que ad curiositatem quandam, aut superstitionem spectant, vel turpe lucrum sapiunt, tanquam scandala, & fidelium offendicula prohibeant.

Cæterùm licet de jure videatur requiri, ut Parochiani non alibi, quàm in suâ Ecclesiâ parochiali Missas & Conciones audiant. c. 2. de Parochiis & Trid. in Decret. de obser. & Evit. in Missâ s. 22. & in d. s. 24. c. 4. Hodie tamen per privilegia regularium & contrariam consuetudinem passim, huic juri derogatum est, ita ut Parochiani satisfaciant, si alias Ecclesias, præsertim Regularium, frequentent, dummodò proprium Parochum non contempnant. Barb. de off. Par. p. 1. c. 11. n. 24. & seqq. & c. 15 n. 11. & 14 in fin. Ne autem quis censeatur proprium Parochum contempnere ratio naturalis suadere videtur ut saltem aliquoties in anno missas & Conciones eiusdem audiat. vix enim est, ut non habeatur
filius

filius contumax, qui toto anno Patrem non invisit: Ovis erratica, quæ nunquam vocem proprii pastoris exaudit. Zyp. in Anal. Jur. Pont. in tit. de Parochijs sub. n. 2.

CAPUT, VI.

De Obligatione Parochi & Parochianorum observandi Festa.

1. Festa institueret potest etiam Episcopus.
2. Festa instituta ab Episcopo etiam ab exemptis observanda.
3. Preceptum de observatione Festorum duplex.
4. Quenam dicantur opera liberalia & quæ servilia.
5. In quibus casibus liceat in die festo opus servile facere.
6. Ut opus servile in festo licite fiat, requiritur consensus Episcopi vel saltem Parochi,

7. Fe-